

欽定古今圖書集成博物彙編草木典

第四十四卷目錄

瓜部彙考一

詩經大雅縣

禮記月令

周禮地官委人揚人

爾雅釋草

汲冢周書時訓解

大戴禮記夏小正

許慎說文瓜釋名

張揖博雅釋草

郭義恭廣志各種瓜

張華博物志食瓜

任昉述異記龍肝瓜

賈思勰齊民要術種瓜食經藏瓜法食經口樂安令徐

投成式酉陽雜俎瓜

鮑瓜敗瓜星圖

宋史天文志

陸佃埤雅瓜

羅願爾雅翼瓜

格物論瓜

直省志書宛平縣昌平州清平縣涇陽縣

州范縣保德州翼城縣乾州平涼縣

縣寧國縣通州吳縣崑山縣嘉定

縣太倉州上海縣石門縣蒲田縣東莞

縣臨川縣邵陽縣

冬瓜圖

郭蒙駝種樹書冬瓜

王世懋瓜蔬疏冬瓜

本草綱目冬瓜

南瓜圖

本草綱目南瓜

越瓜圖

王世懋瓜蔬疏菜瓜

本草綱目越瓜

黃瓜圖

本草綱目黃瓜

絲瓜圖

王世懋瓜蔬疏絲瓜

徐光啓農政全書絲瓜考

本草綱目絲瓜

苦瓜圖

王世懋瓜蔬疏錦荔枝

徐光啓農政全書苦瓜考

本草綱目苦瓜

草木典第四十四卷

瓜部彙考一

詩經

大雅縣

縣絲瓜

傳絲絲不絕貌瓜絡也腹也瓜之本實繼先

歲之瓜必小狀似腹故謂之腹絲絲然若將無長

大時喻后稷乃帝嚳之育封於邵其後公劉失職

遷於豳居沮漆之地歷世亦絲絲然至太王而德

益盛釋草云腹腹其紹腹舍人曰腹名腹小瓜

也紹繼謂腹子漢中小瓜曰腹孫炎曰腹小瓜子

如腹其本子小紹先歲之瓜曰腹然則腹之族類

本有二種大者曰瓜小者曰腹此則其種別也而

瓜變近本之瓜必小於先歲之大瓜以其小如腹

故謂之腹腹是腹之別名故云腹腹瓜實近本則

小今驗信然雖繼先歲之瓜不能大如先歲之瓜

猶若后稷封為諸侯雖繼帝嚳之後不能如嚳為

天子瓜之相繼者歲歲益小若將無長大之時猶

后稷之後世世益微若將無與盛之時瓜以年年

相承猶人以世世相繼故取喻焉瓜實無長大之

時后稷之後則至太王而盛欲言太王之興故言

若將無長大之時其實瓜唯益小終亦不能長大

也宋縣絲不絕貌大曰瓜小曰腹瓜之近本初生

者常小其蔓不絕至末而後大也此言瓜之先小

後大以比周人始生於漆沮之上而古公之時居

於豳土室之中其國甚小至文王而後大也

禮記

月令

仲冬行秋令則天時雨汁瓜瓠不成

注子宿值虛危虛危內有瓜瓠天文志瓜瓠四

星在危東

周禮

地官

委人掌凡畜聚之物

注凡畜聚之物瓜瓠葵芋禦冬之具也說信南山

詩疆場有瓜故知畜聚物中有瓜也

欽定古今圖書集成博物彙編草木典

第四十四卷目錄

瓜部彙考一

詩經大雅縣

禮記月令

周禮地官委人揚人

爾雅釋草

汲冢周書時訓解

大戴禮記夏小正

許慎說文瓜釋名

張揖博雅釋草

郭義恭廣志各種瓜

張華博物志食瓜

任昉述異記龍肝瓜

賈思勰齊民要術種瓜食經藏瓜法食經口樂安令徐

趙瓜法食經藏梅瓜法食經口樂安令徐

段成式酉陽雜俎瓜

飽瓜敗瓜星圖

宋史天文志

陸佃埤雅瓜

羅願爾雅翼瓜

格物論瓜

直省志書宛平縣昌平州清平縣涇陽縣

州范縣保德州翼城縣乾州平涼縣

縣寧國縣通州吳縣崑山縣嘉定縣

縣太倉州上海縣石門縣莆田縣東莞

縣瓜圖

郭蒙駝種樹書冬瓜

王世懋瓜蔬疏冬瓜

本草綱目冬瓜

南瓜圖

本草綱目南瓜

越瓜圖

王世懋瓜蔬疏菜瓜

本草綱目越瓜

黃瓜圖

本草綱目黃瓜

絲瓜圖

王世懋瓜蔬疏絲瓜

徐光啓農政全書絲瓜考

本草綱目絲瓜

苦瓜圖

王世懋瓜蔬疏錦荔枝

徐光啓農政全書苦瓜考

本草綱目苦瓜

草木典第四十四卷

瓜部彙考一

詩經

大雅縣

縣絲瓜

傳絲絲不絕貌瓜絡也腹也瓜之本實繼先

歲之瓜必小狀似腹故謂之腹絲絲然若將無長

大時喻后稷乃帝嚳之曾封於邵其後公劉失職

遷於豳居沮漆之地歷世亦絲絲然至太王而德

益盛釋草云腹腹其紹腹舍人曰腹名腹小瓜

也紹繼謂腹子漢中小瓜曰腹孫炎曰腹小瓜子

如腹其本子小紹先歲之瓜曰腹然則腹之族類

本有二種大者曰瓜小者曰腹此則其種別也而

瓜變近本之瓜必小於先歲之大瓜以其小如腹

故謂之腹腹是腹之別名故云腹腹瓜實近本則

小今驗信然雖繼先歲之瓜不能大如先歲之瓜

猶若后稷封為諸侯雖繼帝嚳之後不能如嚳為

天子瓜之相繼者歲歲益小若將無長大之時猶

后稷之後世世益微若將無與盛之時瓜以年年

相承猶人以世世相繼故取喻焉瓜實無長大之

時后稷之後則至太王而盛欲言太王之興故言

若將無長大之時其實瓜唯益小終亦不能長大

也宋縣絲不絕貌大曰瓜小曰腹瓜之近本初生

者常小其蔓不絕至末而後大也此言瓜之先小

後大以比周人始生於漆沮之上而古公之時居

於豳土室之中其國甚小至文王而後大也

禮記

月令

仲冬行秋令則天時雨汁瓜瓠不成

注子宿值虛危虛危內有瓜瓠天文志瓜瓠四

星在危東

周禮

地官

委人掌凡畜聚之物

注凡畜聚之物瓜瓠葵芋禦冬之具也說信南山

詩疆場有瓜故知畜聚物中有瓜也

場人掌國之場圖而樹之果蘇珍異之物

蘇瓜瓠之屬

爾雅

釋草

臙臙其紹臙

俗呼臙瓜爲臙紹者瓜蔓緒亦著子但小如臙

臙一名臙小瓜也紹繼也瓜之蔓緒緒先歲之

瓜必小亦名臙故云紹繼詩大雅云絲絲瓜臙舍

人曰臙名臙小瓜也紹繼謂瓜子漢中小瓜曰臙

孫炎曰臙小瓜子如臙其本子小紹先歲之瓜曰

臙然則瓜之族類本有二種大者曰瓜小者曰臙

此則其種別也而瓜蔓近本之瓜必小於先歲之

大瓜以其小如臙故謂之臙臙是臙之別名故郭

云俗呼臙爲臙紹者瓜蔓緒亦著子但小如臙

汲冢周書

時訓解

立夏後十日王瓜生王瓜不生困於百姓

大戴禮記

夏小正

五月乃瓜乃者急瓜之辭也瓜也者始食瓜也

八月剝瓜畜瓜之時也

許慎說文

瓜釋名

瓜象形也瓣瓜實也紫小瓜臙也

張揖博雅

釋草

土瓜芴也藤結瓠瓜王瓜也冬瓜瓠也水芝瓜也其

子謂之臙龍臙虎掌羊駝兔頭桂支蜜甯瓠瓠狸頭

白臙無餘縑瓜屬也

郭義恭廣志

各種瓜

瓜之所出以遼東廬江嫩煌之種爲美有烏瓜魚瓜

狸頭瓜蜜甯瓜女臂瓜龍蹄瓜羊甯瓜縑瓜瓜州大

瓜如斛御瓜也有青登瓜大如三斗甯有桂枝瓜長

二尺餘蜀地溫良瓜冬熟有春日瓜細小小瓣宜藏

正月種三月熟有秋泉瓜秋種十月熟形如羊角色

蒼黑

張華博物志

食瓜

人以冷水自漬至膝可頓啖數十枚瓜漬至腰啖轉

多至頸可啖百餘枚所漬水皆作瓜氣味此事未試

任昉述異記

龍肝瓜

龍肝瓜長一尺花紅葉素生於冰谷所謂冰谷素葉

之瓜

賈思勰齊民要術

種瓜

廣雅曰土芝瓜也其子謂之臙然瓜有龍肝虎掌

羊駝兔頭瓠瓠狸頭六瓜秋無餘縑瓜瓜屬也張

孟陽瓜賦曰羊駝累錯瓠子市江廣志曰瓜之所

出以遼東廬江嫩煌之種爲美有烏瓜縑瓜狸頭

瓜蜜甯瓜女臂瓜羊甯瓜瓜州大瓜大如斛出涼

州狀類舊唐御瓜有香登瓜大如三斗甯有桂

小小瓣宜藏正月種二月成者林泉瓜秋種十月

熟形如羊角色黃黑史記曰邵平者故秦東陵侯

秦破爲布衣家貧種瓜於長安城東瓜美故世謂

之東陵瓜從邵平始漢書地理志曰嫩煌古瓜州

地有美瓜王逸瓜盛日落疏之文宋嘉記曰未嘉

裏瓜八月熟至十一月肉青赤香甜清快衆瓜之

勝廣州記曰瓜冬熟號爲金釵瓜說文曰紫小瓜

臙也陸機瓜賦曰栝樓定桃黃瓜白傳金釵蜜甯

小青大斑元軒素腕狸首虎躡東陵出於秦谷桂

髓起於巫山也

收瓜子法常歲歲先取本母子瓜截去兩頭止取中

央子

本母子者瓜生數葉便結子子復早熟用中單瓜

子蔓長二三尺然後結子用後單子者蔓長足然

後結子子亦晚熟種早子熟速而瓜小種晚子熟

遲而瓜大去兩頭者近蒂子瓜曲而細近頭子瓜

短而鳴凡瓜落疏青黑者爲美黃白及斑雖大而

惡若種苦瓜子雖爛熟氣香其味猶苦也

又收瓜子法

食瓜時美者收即以細糠拌之日曝向燥拔而藏

之淨而且速也

良田小豆底佳黍底次之刈訖即耕頻頻轉之二月

上旬種者爲上時三月上旬爲中時四月上旬爲下

時五月六月上旬可種藏瓜凡種法先以水淨淘瓜

子以鹽和之

鹽和則不能死

先臥鋤種却燥土

不獲者坑雖深大常雜燥土故瓜不生  
然後培坑大如斗口納瓜子四枚大豆三箇於堆旁  
向陽中

諺曰種瓜黃臺頭

瓜生數葉摘去豆

瓜煨弱苗不能獨生故須大豆爲之起土生瓜不

去豆則豆反扇瓜不得滋茂但豆斷汁出更成良

潤勿拔之拔之則土虛燥也

多鋤則饒子不鋤則無實

五穀蔬菜果蔬之屬皆如此也

五六月種晚瓜

治瓜龍法

旦起露未解以杖舉瓜蔓散夾於根下後一兩日

復以土培其根則迴無蟲矣

又種瓜法

依法種瓜十畝勝一頃

於良美地中先種晚禾

晚禾令地膩

熟剗刈取穗欲令莢長秋耕之耕法弭縛犁耳起規

逆耕耳耳則禾拔頭出而不沒矣至春德復順耕亦

弭縛犁耳翻之還令草頭出耕訖勞之令其平種植

穀時種之種法使行陣直兩行微相近兩行外相遠

中間通步道道外還兩行相近如是作次第經四小

道通一車道凡一頃地中須開十字大巷通兩乘車

來去運輦其瓜都聚在十字巷中瓜生比至初花必

須三四遍熟鋤勿令有草生草生脅瓜無子鋤法皆

起禾莢令直豎其瓜蔓本底皆令上下四廂高微雨

時得停水瓜引蔓皆沿莢上莢多則瓜多莢少則瓜  
少莢多則蔓廣蔓廣則岐多岐多則饒子其瓜會是  
岐頭而生無岐而花者皆是浪花終無瓜矣故令蔓  
生在莢上瓜懸在下

摘瓜法在步道上引手而取勿聽浪入踏瓜蔓及翻  
覆之

踏則莖破翻則成細皆令瓜不茂而蔓早死

若無莢而種瓜者地雖美好正得長苗直引無多繁

岐故瓜少子若無莢處堅乾柴亦得

凡乾柴草不妨滋茂

凡瓜所以早爛者皆由脚躡及摘時不慎翻動其蔓

故也若以理慎護及至霜下葉乾子乃盡矣

但依此法則不必別種早晚及中三輩之瓜

區種瓜法六月雨後種菜豆八月中犁種殺之十月

又一轉即十月終種瓜率兩步爲一區坑大如盆口

深五寸以上壅其畔如菜畦形坑底必令平正以足

踏之令其保澤以瓜子大豆各十枚遍布坑中

瓜中大豆兩物爲雙藉其起土故也

以糞五升覆之

亦令均平

又以土一斗薄散糞上復以足微躡之冬月大雪時

速併力推雪於坑上爲大堆至春草生瓜亦生莖葉

肥茂異於常者且常有潤澤早亦無害五月瓜便熟

其摘豆鋤瓜之法與常同若瓜子盡生則大槩摺

出之一區四根即足矣

又法冬天以瓜子數枚內熟牛糞中凍即拾聚置之  
陰地

量地多少以足爲限

正月地釋即耕逐場布之率方一步下一斗糞耕土

覆之肥茂早熟雖不及區種亦勝凡瓜遠矣

凡生糞地無勢多於熟糞令地小荒矣

有蟻者以牛羊骨帶隨者置瓜科左右待蟻附將棄

之棄二三則無蟻矣

汜勝之曰區種瓜一畝爲二十四科區方圓三尺深

五寸一科用一石糞糞與土合和令相半以三斗瓦

甕埋著科中央令甕口上與地平盛水甕中令滿種

瓜甕四面各一子以瓦蓋甕口水或減輒增常令水

滿種常以冬至後九十日百日得戊辰日種之又種

種十根令周迴甕居瓜子外至五月瓜熟種可拔賣

之與瓜相避又可種小豆於瓜中畝四五本其舊可

賣此法宜平地瓜收畝萬錢

崔寔曰種瓜宜用戊辰日二月三日可種瓜十二月

臘時祀災蓮樹瓜田四角去甚

瓜蟲謂之甚

龍魚河圖曰瓜有兩鼻者殺人

種越瓜胡瓜法四月中種之

胡瓜宜豎柴木令其蔓緣之

收越瓜欲飽霜

霜不飽則爛

收胡瓜候色黃則摘

若待色赤則皮存而肉消

並如凡瓜於香醬中藏之亦佳

種冬瓜法

廣志曰冬瓜蔬垣神仙本草謂之地芝也

傍牆陰地作區圓二尺深五寸以熟糞及土相和正月晦日種

二月三月亦得

既生以柴木倚牆令其緣上早則澆之八月斷其梢減其實一本但存五六枚

多畱則不成也

十月霜足收之

早收則爛

削去皮子於芥子醬中或美豆醬中藏之佳

冬瓜越瓜瓠子十月區種如區種瓜法冬則推雪著區上為堆潤澤肥好乃勝春種

魚苗瓜瓠法

冬瓜越瓜瓠用毛未脫者

毛脫即堅

漢瓜用極大饒肉者皆削去皮作方瓣廣一寸長三寸偏宜豬肉肥羊肉亦佳

肉須別煮令熟薄切

蘇油亦好特宜菘菜

蕪菁葵韭等皆得蘇油宜大用莧菜

細壁葱白

葱白欲得多於菜無葱薤白代之

渾豉白鹽椒末先布菜於銅鐺底次肉

無肉以蘇油代之

次瓜次瓠次葱白鹽豉椒末如是大第重布向滿為限少下水

僅令相淹漬

魚令熟

魚漢瓜法

直以香醬葱白麻油煮之勿下水亦好

食經藏瓜法

取白米一斗鑿<sub>音</sub>中熬之以作糜下鹽使鹹淡適口調寒熱熱拭瓜以投其中密塗甕此蜀人方美好又法取小瓜百枚豉五升鹽三升破去瓜子以鹽布瓜片中次著甕中絲其口三日鼓氣盡可食之

食經藏越瓜法

糟一斗鹽三升淹瓜三宿出以布拭之復淹如此凡瓜欲得完慎勿傷傷便爛以布囊就取之佳豫章郡人晚種越瓜所以味亦異

食經藏梅瓜法

先取霜下老白冬瓜削去皮取肉方正薄切如手板細施灰羅瓜著上復以灰覆之煮杭皮烏皮梅汁器中細切瓜令方三分長二寸熟燻之以投梅汁數月可食以醋石榴子著中並佳也

食經曰樂安令徐肅藏瓜法

取越瓜細者不操拭勿使近水鹽之令鹹十日取出拭之小陰乾燻之仍內著盆中作和法以三升赤小豆三升林米並炊之令黃合春之以三斗好酒解之以瓜投中蜜塗乃經年不敗  
崔寔曰大暑後六日可藏瓜  
投成式酉陽雜俎

瓜兩鼻兩蒂食之殺人

匏瓜敗瓜星圖



宋史

天文志

匏瓜五星在離珠北天子果園也其西觜星主後宮不明則后失勢不具或動搖為盜光明則歲豐暗則果實不登彗孛犯之近臣僭有戮死者客星守之魚鹽貴山谷多水犯之有游兵不戰蒼白雲氣入之果不可食青為天子攻城邑黃則天子賜諸侯果黑為天子食果而致疾  
敗瓜五星在匏瓜星南主修瓜果之職與匏瓜同占陸佃埤雅

瓜

瓜性惡香尤忌聞麝氣觸之乃至一蒂不收制字象其實在鬚蔓之間詩曰絲絲瓜瓞大曰瓜小曰瓞爾雅曰其絡脰蓋瓜之總本為絡今驗近本之瓜常小末則復大故曰其絡脰也詩曰中田有廬廬場有瓜廬言於天無露者瓜言於地無曠者且田之大界曰疆其小者場也場言至此而易主矣至此易主今種瓜於其上者以明百姓親睦利與同井共之也蓋

古之人禮有讓畔義有灌瓜者由是而已爾雅曰瓜曰華之桃曰臠之華取譬于華瞻取譬於臠禮為天子削瓜副之中以絲為國君削瓜華之中以絲蓋華若草木之華然副絕而不屬華析而不絕也郊特牲曰天子樹瓜華不斂藏之種也瓜曰華之故謂之瓜華而瓜性少延輒腐故禮以戒諸侯畜藏又曰瓜祭上環舊說其付謂之環環瓜之脫華處也其當謂之蒂蒂瓜之繫蔓處也蒂味小苦墨子曰甘瓜苦蒂天下物無全美也稽聖賦曰瓜寒于曝油冷於煎

### 羅願爾雅翼

#### 瓜

瓜古人以紀時故遺戍者稱瓜時而往及瓜而代大戴禮夏小正五月乃瓜乃瓜者治瓜之辭也瓜也者始食瓜八月剝瓜蓄瓜時也周詩則以七月為食瓜之候蓋夏之五月也詩云中田有虞疆場有瓜是剝是菹獻之皇祖曾孫壽考受天之祐蓋薦瓜之重如此故天子樹瓜華不斂藏之種而為天子削瓜者副之中以絲副析也既削又四析之乃橫斷之而中覆焉為國君者華之中以絲華中裂之不四析也為大夫累之累裸也謂不以巾覆士薨之不中裂但橫斷去寔而已庶人斂之不橫斷也瓜祭則上環食中棄所操古之用瓜者其嚴如此周時瓜無所出之地至秦漢間東陵侯種瓜長安城東而美故謂之東陵瓜又謂之青門瓜其後以遼東廬江嫩煌之種為美而瓜州大瓜如斛御瓜也故名其州曰瓜其他瓜名尚多說文曰竊竊也草木皆是豎立唯瓜瓠之屬臥而不起似若嬾人常臥室故字从穴荆楚之俗七月七

日率牛織女會乃設瓜果於庭中有喜子網於瓜上則以為得巧以織女主瓜云

#### 格物論

#### 瓜瓠

瓜瓠也在地曰瓠有數種皆蔓生

直省志書

#### 宛平縣

物產瓜有東西南北王菜絲甜地香稍之分

#### 昌平州

物產香瓜皮青子細瓤甘肉脆氣香味美絕勝甜瓜

甜瓜類最繁有圓有長有尖有匾大或徑尺小或一

捻其稜或有或無其色或青或綠或黃斑駁或白

路黃路其瓤或白或紅其子或黃或赤或白或黑要

之味不出乎甘香而已西瓜出城東者佳

#### 歷城縣

方產黃瓜春秋兩種西北方獨早熟稍瓜青白二種

早晚異時西瓜隨處種之城西村墅尤多甜瓜冬瓜

北瓜番瓜類南瓜皮黑無稜近多種此宜禁之南瓜

絲瓜圃中架植宜美

#### 濟陽縣

物產黃瓜菜瓜西瓜南瓜冬瓜甜瓜地瓜邑雖產西

瓜其種不大鄉試年輒有行縣取瓜充棘闈之需者

價既不敷而地產又小不中選往往赴長清等處易

之殊為苦累

#### 曹州

物產西瓜有青綠黃白四種

#### 曹縣

物產西瓜有青綠黃白四色子亦紅黑玳瑁之不同其最大者名冀州崑耐久藏可至過歲北瓜形色各異有水麵二種土人家種之

#### 清平縣

物產王瓜有春秋二種西瓜各色甘美佳於他處南

瓜有黃青紅三色

#### 臨清州

土產瓜之別西冬甜絲稍一握金虎頭青沙爛六月

鮮火裏秀王菜民地金

#### 范縣

物產瓜有十四西瓜王瓜南瓜東瓜菜瓜劉全瓜蠻

瓜稍瓜苦瓜甜瓜絲瓜香爐瓜地瓜金瓜

#### 保德州

土產西瓜近有一種名高麗白色斑斑子味甚甜脆種

久漸變王瓜菜瓜醋通瓜絲瓜甜瓜東瓜南瓜北瓜

#### 翼城縣

物產瓜有甜瓜青黃二種有王瓜有菜瓜青黑白數

種有東瓜有南瓜青黃二種有西瓜青黑二種其黃

白長尺許者近多有之

#### 乾州

物產西瓜陽洪店出味美於他處

#### 平涼縣

物產黃瓜功用如人參補肺理氣勝今遼參

#### 寧國縣

土產甜瓜有青黃二色有長圓二種白為銀瓜黃為

金瓜王瓜有青白二種春栽夏生至秋不輟其種與

各處特異有刺者俗名刺瓜或曰瓜之王

通州

物產葉瓜其生甚繁或名爲天鵝蛋

吳縣

物產西瓜出薦福山者味甘裏鬆

崑山縣

物產楊莊瓜種甚佳

嘉定縣

物產橄欖瓜西瓜別種出外岡其形圓而長瓢色鮮紅味甘如蜜俗又名枕頭瓜以形似也向以西番蓮爲第一今則偏栽此種

太倉州

物產西瓜舊推崇明今沙頭出者大不及崇明之半綠皮紅瓢味遠勝之種瓜人姓蔣羣呼蔣瓜

上海縣

物產西瓜出柵橋海源市閘行周浦諸處者佳大如枕形如橄欖者名枕瓜橄欖瓜二月下種蔓生七八月實熟有圍及經尺者當將熟時種植之人樹蔭舍晝夜坐守以防人獸竊食甜瓜有青白花斑三種擇皮老質稍堅脆者入醬爲菹熟者名酥瓜色淡黃者名蜜筍瓜皮黃如金大如鵝子者名金瓜青黃雜斑者名畫眉瓜俱甜瓜類筍瓜有青白二種

石門縣

物產瓜有熟瓜膏瓜蜜筍瓜田雞瓜秋黃瓜

平湖縣

物產橄欖瓜色白而長蜜沙團圓小色青子極細金鵝蛋色黃大如鵝卵

烏程縣

物產西瓜在山種者覆以沙以防野獸之食名沙瓜更佳

臨川縣

土產西瓜出丁家洲去城三十里其民抱瓜而富士深一丈篩出其塊礫然後下種

邵陽縣

食貨瓜之屬有金瓜銀瓜白瓜牛腿瓜葫蘆瓜餅子瓜杓靶瓜寸金瓜

莆田縣

物產西瓜實大如斗外青內紅味甘有一種皮薄中尤紅者曰臺灣瓜又有一種實差小中白多子只收其子爲瓜子

東莞縣

土產合子瓜鴨青瓜香瓜金瓜銀瓜白瓜

冬瓜釋名


冬瓜 本經

白瓜 本經

地芝 黃雅

水芝 本經

冬瓜圖



郭橐駝種樹書

冬瓜

冬瓜正月晦日傍牆區種之圓三寸深五寸著糞種之

王世懋瓜蔬疏

冬瓜

天下結實大者無若冬瓜味雖不甚佳而性溫可食本草綱目

冬瓜釋名

馬志曰冬瓜經霜後皮上白如粉塗其子亦白故名白冬瓜而子云白瓜子也

李時珍曰冬瓜以其冬熟也又賈思勰云冬瓜正二三月種之若十月種者結瓜肥好乃勝春種則冬瓜之名或又以此也別錄曰冬瓜原附於本經瓜子之下宋開寶本草加作白瓜子復分白冬瓜爲別錄一種遂致諸註辯說紛紛今併爲一

集解

別錄曰白瓜子生蒿高平澤冬瓜仁也八月採之

蘇頌曰今處處園圃時之其實生苗蔓下大者如斗

而更長皮厚而有毛初生正青綠經霜則白粉人家

多藏蓄彌年作菜果入藥須霜後取置之經年破出

核洗燥乃搗取仁用之亦堪單作服餌

李時珍曰冬瓜三月生苗引蔓大葉圓而有尖莖葉

皆有刺毛六七月開黃花結實大者徑尺餘長三四

尺嫩時綠色有毛老則蒼色有粉其皮堅厚其肉肥

白其瓢謂之瓜練白虛如絮可以浣練衣服其子謂

之瓜犀在瓢中成列霜後取之其肉可煮為茹可蜜

為果其子仁亦可食蓋兼蔬果之用凡收瓜忌酒漆

麝香及糯米觸之必爛

白冬瓜氣味

甘微寒無毒

陶弘景曰冷利

主治

別錄曰小腹水脹利小便止渴

陶弘景曰搗汁服止消渴煩悶解毒

孟詵曰益氣耐老除心胃滿去頭面熱

大明曰消熱毒癰腫切片摩癰子甚良

蘇頌曰利大小腸壓丹石毒

發明

孟詵曰熱者食之佳冷者食之瘦人養食練五臟為

其下氣故也欲得體瘦輕健者則可長食之若要肥

則勿食也

寇宗奭曰凡患發背及一切癰疽者削一大塊置瘡

上熱則易之分散熱毒氣甚良

朱震亨曰冬瓜性走而急寇氏謂其分散熱毒氣蓋

亦取其性走而急也久病者陰虛者忌之孫真人言

九月勿食令人反胃須被霜食之乃佳

孟詵曰取瓜一顆和桐葉與豬食之一冬更不要與

諸物食自然不饑長三四倍也

瓜瓢氣味

甘平無毒

主治

甄權曰絞汁服止煩躁熱渴利小腸治五淋壓丹石

毒

李時珍曰洗面澡身去野黥令人悅澤白皙

白瓜子

別錄曰冬瓜仁也八月採之

正誤

蘇恭曰此甘瓜也甘字似白字後人誤寫耳當改從

甘字

馬志曰本草註白瓜子冬瓜仁也蘇氏所言殊為孟

浪且甘瓜即甜瓜亦有青白二種其子色黃主療與

冬瓜全異但冬瓜經霜有白衣其子亦白白瓜之號

因斯而得況諸方惟用冬瓜子不見用甘瓜子者蘇

說不可憑也

氣味

甘平無毒

別錄曰寒久服寒中

主治

本經曰令人悅澤好顏色益氣不饑久服之輕身耐

老

別錄曰除煩滿不樂可作面脂

大明曰去皮膚風及黑野潤肌膚

李時珍曰治腸癰

發明

蘇頌曰冬瓜仁亦堪單作服餌又研末作湯飲及作

面脂藥並令人好顏色光澤宗懷荆楚歲時記云七

月采瓜犀以為面脂即瓜瓣也亦堪作澡豆

寇宗奭曰服食方亦稀用之

瓜皮主治

蘇頌曰可作丸服亦入面脂

李時珍曰主驢馬汗入瘡腫痛陰乾為末塗之又主

折傷損痛

葉主治

大明曰治腫毒殺蜂螫蜂刺

李時珍曰主消渴瘧疾寒熱又焙研傳多年惡瘡

蘇恭主治

大明曰燒灰可出繭黥煎湯洗黑黥并瘡疥

李時珍曰搗汁服解木耳毒煎水洗脫肛燒灰可淬

銅鐵伏砒石

附方

積熱消渴白瓜去皮每食後吃三二兩五七度良

藥食

消渴不止冬瓜一枚削皮埋濕地中一月取出破開

取清水日飲之或燒熟絞汁飲之

消渴骨蒸大冬瓜一枚去瓢入黃連末填滿安釜內

待瓜消盡同研九梧子大每服三四十九煎冬瓜湯

下經方

產後痢渴久病津液枯竭四肢浮腫口舌乾燥用冬

瓜

下經方



瓜一枚黃土泥厚五寸煨熟絞汁飲亦治傷寒利渴

古今

小兒渴利冬瓜汁飲之

方千金

小兒魁病寒熱如瘧用冬瓜篇蓄各四兩水三升煎湯浴之

方千金

嬰孩寒熱冬瓜炮熟絞汁飲

子母錄

水病危急冬瓜不拘多少任意吃之神效無比

兵部集

十種水氣浮腫喘滿用大冬瓜一枚切蓋去瓢以赤小豆填滿蓋合簽定以紙筋泥固濟日乾用糯糠兩

大籬入瓜在內煨至火盡取出切片同豆焙乾為末

水糊丸梧子大每服七十九煎冬瓜子湯下日三服

小便利為度

醫氏家

發背欲死冬瓜截去頭合瘡上瓜爛截去更合之瓜

未盡瘡已小斂矣乃用膏貼之

方肘後

痔瘡腫痛冬瓜煎湯洗之

方補珍

馬汗入瘡乾冬瓜燒研洗淨傅之

食魚中毒冬瓜汁飲之

方小品

面黑令白冬瓜一個竹刀去皮切片酒一升半水一

升煮爛濾去滓熬成膏瓶收每夜塗之

方聖惠

消渴煩亂冬瓜瓢乾者一兩水煎飲

方聖惠

水腫煩渴小便少者冬瓜白瓢水煮汁淡飲之

方聖惠

服食法取冬瓜仁七升以絹袋盛投三沸湯中須臾

取曝乾如此三度又與清苦酒漬之二宿曝乾為末

日服方寸匕令人肥悅明目延年不老又法取子三

五升去皮為丸空心日服三十丸令人白淨如玉

方玉

補肝明目治男子五勞七傷明目用冬瓜仁方同上

外臺

悅澤面容白瓜仁五兩桃花四兩白楊皮二兩為末

食後飲服方寸匕日三服欲白加瓜仁欲紅加桃花

三十日面白五十日手足俱白一方有橘皮無楊皮

方肘後

多年損傷不瘥者瓜子末溫酒服之

方孫真

消渴不止小便多用乾冬瓜子麥門冬黃連各二兩

水煎飲之冬瓜苗葉俱治消渴不拘新乾

方摘元

男子白濁陳冬瓜仁炒為末每空心米飲服五錢

方急效

女子白帶方同上

跌撲損傷用乾冬瓜皮一兩真牛皮膠一兩剉入鍋

內炒存性研末每服五錢好酒熱服仍飲酒一甌厚

蓋取微汗其痛即止一宿如初極效

方摘元

損傷腰痛冬瓜皮燒研酒服一錢

方生

積熱瀉痢冬瓜葉嫩心拖麪煎餅食之

方海上

南瓜釋名

綱目

陰瓜

農書

南瓜圖



本草綱目

南瓜集解

李時珍曰南瓜種出南番轉入閩浙今燕京諸處亦有之矣二月下種宜沙沃地四月生苗引蔓甚繁一蔓可延十餘丈節節有根近地即著其莖中空其葉狀如蜀葵而大如荷葉八九月開黃花如西瓜花結瓜正圓大如西瓜皮上有稜如甜瓜一本可結數十顆其色或綠或黃或紅經霜收置暖處可留至春其子如冬瓜子其肉厚色黃不可生食惟去皮穢瀹食味如山藥同豬肉煮食更良亦可蜜煎按王禎農書云浙中一種陰瓜宜陰地種之秋熟色黃如金皮膚稍厚可藏至春食之如新疑即南瓜也

氣味

甘溫無毒

李時珍曰多食發脚氣黃疸不可同羊肉食令人氣

壅

主治

李時珍曰補中益氣

越瓜釋名

越瓜 宋開寶  
南人稱

稍瓜 食物本草  
俗名  
羊角瓜

越瓜圖



王世懋瓜蔬疏

菜瓜

瓜之不堪生啖而堪醬食者曰菜瓜圓者如甜瓜長者如王瓜皆一類也以甜醬漬之為蔬中佳味

本草綱目

越瓜釋名

李時珍曰越瓜以地名也俗名稍瓜南人呼為菜瓜

集解

陳藏器曰越瓜生越中大者色正白越人當果食之

亦可糟藏

李時珍曰越瓜南北皆有二三月下種生苗就地引蔓青葉黃花並如冬瓜花葉而小至夏秋之間結瓜有青白二色大如瓠子一種長者至二尺許俗呼羊角瓜其子狀如胡瓜子大如麥粒其瓜生食可充果蔬醬鼓糖醋藏浸皆宜亦可作菹

氣味

甘寒無毒

孟詵曰生食多冷中動氣令人心痛臍下癥結發諸瘡又令人虛弱不能行不益小兒天行病後不可食又不得與牛乳酪及鮮同食

李時珍曰按蕭子真云菜瓜能暗人耳目觀驢馬食之即眼爛可知矣

主治

開寶曰利腸胃止煩渴

陳藏器曰利小便去煩熱解酒毒宜洩熱氣燒灰傳口吻瘡及陰莖熱瘡

心鏡曰和飯作餅久食益腸胃

黃瓜釋名

黃瓜 拾遺錄

胡瓜 宋嘉祐

黃瓜圖



本草綱目

黃瓜釋名

陳藏器曰北人避石勒諱改呼黃瓜至今因之  
李時珍曰張騫使西域得種故名胡瓜按杜寶拾遺錄云隋大業四年避諱改胡瓜為黃瓜與陳氏之說微異今俗以月令王瓜生即此誤矣

集解

李時珍曰胡瓜處處有之正二月下種三月生苗引蔓葉如冬瓜葉亦有毛四五月開黃花結瓜團二三寸長者至尺許青色皮上有蓏蕾如疣子至老則黃赤色其子與菜瓜子同一種五月種者霜時結瓜白色而短並生熟可食兼蔬蔬之用糟醬不及菜瓜也

氣味

甘寒有小毒

孟詵曰不可多食動寒熱多瘧病積熱發挂氣令人虛熱上逆少氣損陰血發瘡疥脚氣虛腫百病天行病後不可食之小兒切忌滑中生疳蟲不可多用醋

主治

甯原曰清熱解渴利水道

葉氣味

苦平有小毒

主治

陳藏器曰小兒閃辟一歲用一葉生按攪汁服得吐

下良

根主治

大明曰搗傳狐刺毒腫

附方

小兒熱痢嫩黃瓜同蜜食十餘枚良唐書

水病肚脹四肢浮腫用胡瓜一箇破開連子以醋煮

一半至爛空心俱食之須臾下水也千金

小兒出汗香瓜丸用黃連胡黃連黃蘗川大黃煨熟

龍甲醋炙柴胡蘆薈青皮等分爲末用大黃瓜黃色

者一箇割下頭填藥至滿蓋定簪住慢火煨熟同搗

爛入麪糊丸葉豆大每服二三丸大者五七丸至十

丸食後新水下錢乙小方

咽喉腫痛老黃瓜一枚去子入硝磺滿陰乾爲末每

以少許吹之醫林集要

杖瘡癰腫六月六日取黃瓜入磁瓶中水浸之每以

水掃於瘡上立效醫林集要

火眼赤痛五月取老黃瓜一條上開小孔去瓢入芒

硝令滿懸陰處待硝透出刮下雷點眼甚效醫方

湯火傷灼五月五日搗黃瓜入瓶內封掛簾下取水

刷之良醫方

高廉遵生八牋

絲瓜

秋間小黃瓜一斤石灰白礬湯焯過控乾鹽半兩醃一宿又鹽半兩剥大蒜瓣三兩搗爲泥與瓜拌勻傾入醃下水中熬好酒醋浸著涼處頓放冬瓜茄子同法

絲瓜釋名

絲瓜綱目

蠻瓜本事方

布瓜合璧事類

虞刺舊名


天絲瓜本事方

天羅合璧事類

魚鱗舊名

洗鍋羅瓜村人名

絲瓜圖



王世懋瓜蔬疏

絲瓜

絲瓜北種爲佳以細長而嫩者爲美性寒無毒有云多食之能療陽北人時嗽之殊不爾然用其蒂可治小兒痘汁滴瓶中能消痰火其涼可知矣

絲瓜考

人家園籬邊多種之延蔓而生葉似栝樓葉而花又大每葉間出一絲藤纏附草木上莖葉間五瓣大黃花結瓜形如黃瓜而大色青嫩時可食老則去皮內有絲縷可以擦洗油膩器皿味微甜

救飢

採嫩瓜切碎燉熟水浸淘淨油鹽調食元扈先生曰嘉蔬不必救荒不實之花作蔬更佳本草綱目

絲瓜釋名

李時珍曰此瓜老則筋絲羅織故有絲羅之名昔人謂之魚鱗或云虞刺始自南方移來故曰蠻瓜

集解

李時珍曰絲瓜唐宋以前無聞今南北皆有之以爲常蔬二月下種生苗引蔓延樹枝或作棚架其葉大如蜀葵而多丫尖有細毛刺取汁可染絲其莖有稜六七月開黃花五出微似胡瓜花蕊瓣俱黃其瓜大寸許長一二尺甚則三四尺深綠色有皺點瓜頭如龍首嫩時去皮可烹可曝點茶充蔬老則大如杵筋絡纏紐如織成經霜乃枯惟可藉履履金器故村人呼爲洗鍋羅瓜內有隔子在隔中狀如栝樓子黑

色而偏其花苞及嫩葉卷鬚皆可食也

瓜氣味

甘平無毒入藥用老者

主治

朱震亨曰痘瘡不快枯者燒存性入朱砂研末蜜水調服甚妙

李時珍曰養食除熱利腸老者燒存性服去風化痰涼血解毒殺蟲通經絡行血脈下乳汁治大小便下血痔漏崩中黃積疝痛卵腫血氣作痛癰疽瘡腫齒齕痘疹胎毒

生編曰暖胃補陽固氣和胎

發明

汪穎曰絲瓜本草諸書無考惟痘瘡及腳癰方中燒灰用之亦取其性冷解毒耳

李時珍曰絲瓜老者筋絡貫串房隔聯屬故能通人脈絡臟腑而去風解毒消腫化痰祛痛殺蟲及治諸血病也

葉主治

李時珍曰癰瘡癰疽按疹之療癰疽丁腫卵癰

藤根氣味

同葉

主治

李時珍曰齒齕腦漏殺蟲解毒

附方

痘瘡不快初出或未出多者令少少者令稀老絲瓜近蒂三寸連皮燒存性研末砂糖水服之  
癰疽不斂瘡口太深用絲瓜搗汁頻抹之

風熱腫痛絲瓜燒存性研末水調搽之

肺熱面瘡苦絲瓜牙皂並燒灰等分油調搽之

玉莖瘡潰絲瓜連子搗汁和五倍子末頻敷之

坐板瘡疥絲瓜皮焙乾為末燒酒調搽之

天泡濕瘡絲瓜汁調辰粉頻搽之

手足凍瘡老絲瓜燒存性和臘猪脂塗之

肛門酒痔絲瓜燒存性研末酒服二錢

痔漏脫肛絲瓜燒灰多年石灰雄黃各五錢為末以猪膽雞子清及香油和調貼之

腸風下血霜後乾絲瓜燒存性為末空心酒服二錢

一名蠻瓜一名天羅一名天絲瓜是矣

下血危篤不可救者絲瓜即天羅一箇燒存性槐花

減半為末每空心米飲服二錢

酒痢便血腹痛或如魚腦五色者乾絲瓜一枚連皮

燒研空心酒服二錢一方煨食之俗名魚鱗是也

血崩不止老絲瓜燒灰棕櫚燒灰等分用酒或鹽湯

經脈不通乾絲瓜一個為末用白鴿血調成餅日乾

研末每服二錢空心酒下先服四物湯三服

乳汁不通絲瓜連子燒存性研酒服一二錢被覆取

汗即通

乾血氣痛婦人血氣不行上衝心膈變為乾血氣者

用絲瓜一枚燒存性空心溫酒服

小腸氣痛連臍衝心連帶老絲瓜燒存性研末每服

三錢熱酒調下甚者不過二三服即消

卵腫偏墜絲瓜架上初結者雷下待瓜結盡葉落取

下燒存性為末煉蜜調成膏每晚好酒服一匙如在

左左睡在右右睡在左

腰痛不止天羅布瓜子仁炒焦搗酒服以澤傳之

喉閉

卒然中風防風荆芥一兩升麻半兩薑三片水一瓊

煎半瓊以絲瓜子研取漿半瓊和勻灌之如手足麻

癢以羌活煎湯洗之

化痰止咳天羅即絲瓜燒存性為末棗肉和丸彈子

大每服一丸溫酒化下

風蟲牙痛經霜乾絲瓜燒存性為末擦之

風氣牙痛百藥不效者用此大能去風惟蛀牙不效

天羅即生絲瓜一個擦鹽火燒存性研末頻擦涎盡

即愈腮腫以水調貼之馬敏叔云此乃歲月軒家傳

屢效之方一試即便可睡也

食積黃疸絲瓜連子燒存性為末每服二錢因麵得

病麵湯下因酒得病溫酒下連進數服愈

小兒浮腫天羅燈草葱白等分煎濃汁服並洗之

水蠱腹脹老絲瓜去皮一枚剪碎巴豆十四粒同炒

豆黃去豆以瓜同陳倉米再炒熟去瓜研米為末糊

丸梧子大每服百丸白湯下蓋米收胃氣巴豆逐水

絲瓜象人脈絡借其氣以引之也此乃元時杭州名

醫宋會之方

蟲癬清最采露水絲瓜葉七片逐片擦七下如神忌

雞魚發物

陰子偏墜絲瓜葉燒存性三錢雞子殼燒灰二錢溫

酒調服

金居士選奇方

頭瘡生蛆頭皮內時有蛆出以刀切破擠絲瓜葉汁搽之蛆出盡絕根

小山怪謬方

湯火傷灼絲瓜葉焙研入辰粉一錢蜜調搽之生者搗傳一日即好也

海上方

魚膽丁瘡絲瓜葉即虞刺葉也連鬚葱白韭菜等分同入石鉢內研爛取汁以熱酒和服以滓貼腋下病在左手貼左腋右手貼右腋病在左腳貼左腳右腳貼右腳在中貼心臍用帛縛住候肉下紅線處皆白則散矣如有潮熱亦用此法却令人抱住恐其顛倒則難救矣

危氏傳效方

刀瘡神藥古石灰新石灰絲瓜根葉初種放兩葉者韭菜根各等分搗干下作餅陰乾為末擦之止血定痛生肌如神效侍御蘇海峯所傳

董方集

預解痘毒五六月取絲瓜蔓上卷鬚陰乾至正月初一日子時用二兩半煎湯父母只令一人知溫浴小兒身面上下以去胎毒末不出痘縱出亦少也

體仁堂方

喉風腫痛絲瓜根以瓦瓶盛水浸飲之

海上方

腦漏流汁鼻中時時流臭黃水腦痛名控腦砂有蠱食腦中也用絲瓜藤近根三五尺燒存性每服一錢溫酒下以愈為度

醫學正傳

牙宣露痛海上妙方用絲瓜藤陰乾臨時火煨存性研搽即止最妙

惠生堂方

撮燈心一大把水煎濃汁漱吐其痛立住如神咽喉骨鯁七月七日取絲瓜根陰乾燒存性每服二錢以原漿物黃湯服之

華方雜錄

腰痛不止絲瓜根燒存性為末每溫酒服二錢神效甚捷

雜錄

附錄天羅勒

陳藏器曰生江南平地主溪毒按碎傳之李時珍曰陳氏注此不詳又江南呼絲瓜為天羅勒即此物然無的據姑附之

苦瓜釋名

苦瓜 救荒本草

癩葡萄 農政全書

錦荔枝 瓜蔬類

苦瓜圖



王世懋瓜蔬疏

錦荔枝

吾地有名錦荔枝者外作五色蜂窠之狀內子如鼈蟲人甚惡之不知閩廣人以為至寶去實用其皮肉煮肉味殊苦廣人亦謂涼多子京師種摘而自供食住在泉州見城中遍地植之名曰苦瓜形稍長于此種耳

徐光啓農政全書

苦瓜考

又名癩葡萄人家園籬邊多種苗引藤蔓延附草木生莖長七八寸莖有毛濫葉似野葡萄葉而花又多葉間生細絲蔓開五瓣花碗子花結實如雞子大尖銳狀似荔枝而大生青熟黃內有紅瓢味甜

救饑

採荔枝黃熟者食瓢

元扈先生曰南中人食此物不止於瓢實青時採者或生食與瓜同用名苦瓜也青瓜頗苦亦清脆可食耳閩廣人爭詫為極甘也此恆蔬不必救荒嘗過本草綱目

苦瓜釋名

李時珍曰苦以味名瓜及荔枝葡萄皆以實及莖葉相似得名

集解

周憲王曰錦荔枝即癩葡萄蔓延草木莖長七八尺莖有毛濫葉似野葡萄而花又開黃花實大如雞子有皺紋似荔枝李時珍曰苦瓜原出南番今閩廣皆種之五月下子

生苗引蔓莖葉卷鬚並如葡萄而小七八月開小黃  
花五瓣如碗形結瓜長者四五寸短者二三寸青色  
皮上非瘡如癩及荔枝殼狀熟則黃色自裂內有紅  
瓢裹子瓢味甘可食其子形扁如瓜子亦有瘡瘡南  
人以青皮煮肉及鹽醬充蔬苦澀有青氣按費信星  
槎勝覽云蘇門答刺國一等瓜皮若荔枝未剖時甚  
臭如爛蒜剖開如囊味如酥香甜可口疑此即苦瓜  
也

瓜氣味

苦寒無毒

主治

李時珍曰除邪熱解勞乏清心明目

子氣味

苦甘無毒

主治

李時珍曰益氣壯陽

欽定古今圖書集成博物彙編草木典

第四十五卷目錄

瓜部彙考二

王瓜圖

禮記月令

爾雅釋草

草木蟲魚說王瓜傳菰

王世懋瓜疏疏王瓜

本草綱目王瓜

甜瓜圖

郭橐駝種樹書甜瓜

王世懋瓜疏疏甜瓜

本草綱目香瓜

西瓜圖

王禎農桑通訣種西瓜法

王世懋瓜疏疏西瓜

本草綱目西瓜

地稍瓜圖

徐光啓農政全書地稍瓜考

瓜部藝文一

瓜賦

瓜賦

瓜賦

瓜賦

瓜賦

瓜賦

瓜賦

魏劉楨

晉陸機

傅元

張載

齊舍

張縯

唐康子玉

禮部賀嘉瓜表

柳宗元

禮部賀白龍并青蓮花合懽蓮子黃瓜等表

京兆府賀嘉瓜白兔連理棠樹等表

前人

賀連理棠樹合懽瓜白兔表

前人

石瓜贊

瓜賦

嘉瓜頌

鴉鵲營瓜市記

議革河津縣饋瓜之費

岳自勵

趙用光

草木典第四十五卷

瓜部彙考二

王瓜釋名

王瓜

藤姑

土瓜

老鴉瓜

赤雹子

公公須

鉤

鉤

野甜瓜

馬鹿瓜

師姑草

王瓜圖



禮記

月令

孟夏之月王瓜生

王瓜第掣也今月令云王瓜生夏小正云王瓜

秀未知孰是第掣本草作菰莢音同謂之瓜者

以根之似也亦可釀酒朱氏曰王瓜名赤感火之

色而生全王瓜陽物之可以勝陰邪者也故其爲

色赤

爾雅

釋草

鉤藤姑

注鉤瓢也一名王瓜實如殿瓜正赤味苦鉤一

名藤姑一云鉤瓢也一名王瓜實如殿瓜正赤味

苦本草云王瓜一名土瓜陶註云即今土瓜生籬

院亦有子熟時赤如彈丸根大唐本註云此物蔓

生葉似栝樓圓無叉缺子如梔子生青熟赤但無

稜爾根似葛細而多糝是也

非芴

注即土瓜也 一名芴郭云土瓜也孫炎曰菹類也詩谷風云采芴非陸璣云非似菹莖粗葉厚而長有毛三月中蒸鬱爲茹甘美可作羹幽人謂之芴爾雅又謂之莖菜今河內人謂之宿菜案今爾雅非芴與莖菜異郭註似是別草如陸之言又是二物某氏註爾雅二處皆引谷風詩即非也芴也莖菜也土瓜也宿菜也五者一物其狀似菹而非富故云菹類也

### 黃芩瓜

注菹瓜似土瓜 黃芩瓜一名黃苗及實似土瓜土瓜者即王瓜也月令王瓜生是也草木蟲魚說

### 王瓜即栝樓

月令立夏之後十日王瓜生諸儒及本草多不詳識明曰王瓜即栝樓也栝樓與土瓜形狀藤葉正相類但栝樓大而土瓜小耳以其大於土瓜故以王字別之爾雅諸言王者皆此類也今驗栝樓立夏之後其苗始生正與月令文合故知先儒之說皆非也

### 王世懋瓜蔬疏

### 王瓜

王瓜出燕京者最佳其地人種之火室中遍生花葉二月初即結小實中官取以上供唐人詩云二月中旬已進瓜不足爲奇矣又一種秋生者亦佳吾土俱宜閏中二三月間食入夏枯矣

### 本草綱目

### 王瓜釋名

蘇頌曰月令四月王瓜生即此也均房間人呼爲老

鴉瓜亦曰菹瓜按爾雅云黃芩瓜郭璞注云似土瓜而土瓜自謂之藤姑又名鈞藟則菹瓜別是一物也又曰芴非亦謂之土瓜別是一物非此土瓜也異類同名甚多不可不辨

### 集解

李時珍曰土瓜其根作土氣其實似瓜也或云根味如瓜故名土瓜王字不知何義瓜似電子熟則色赤鴉喜食之故俗名赤電老鴉瓜一葉之下一鬚故俚人呼爲公公鬚與地黃苗名婆婆妳可爲屬對

### 陰乾

別錄曰生舊地平澤田野及人家垣牆間三月采根不入大方正單行小小爾鄭元注月令四月王瓜生以爲菹葵殊謬矣

蘇恭曰四月生苗延蔓葉似栝樓葉但無叉缺有毛刺五月開黃花花下結子如彈丸生青熟赤根似葛而細多糝謂之土瓜根北間者其子糝糝相連大如棗皮黃肉白苗子相似根狀不同若療黃疸破血南者大勝也

寇宗奭曰王瓜其殼徑寸長一寸許上微圓下尖長七八月熟紅赤殼中子如螳螂頭者今人又謂之赤電子其根即土瓜根也於細根上又生淡黃根三五相連如大指許根與子兩用

李時珍曰王瓜三月生苗其蔓多鬚嫩時可茹其葉圓如馬蹄而有尖面青背淡澀而不光六七月開五

出小黃花成簇結子糝糝熟時有紅黃二色皮亦粗澀根不似葛但如栝樓根之小者澄粉甚白膩須深

掘二三尺乃得正根江西人栽之沃土取根作蔬食味如山藥

### 根氣味

苦寒無毒

甄權曰平

陳藏器曰有小毒能吐下人取汁制雄汞

### 根主治

本經曰消渴內癰瘰癧血月閉寒熱酸疼益氣愈

別錄曰療諸邪氣熱結風寒散癰腫留血婦人帶下不通下乳汁止小便數不禁逐四肢骨節中水治馬

骨刺人瘡

大明曰天行熱疾酒黃病壯熱心煩悶熱勞排膿消

撲損瘀血破癥瘕落胎

陳藏器曰主蠱毒小兒閃癖痞滿痰癰并取根及葉

搗汁少少服當吐下

李時珍曰利大小便治面黑面瘡

### 子氣味

酸苦平無毒

### 子主治

大明曰生用潤心肺治黃病妙用治肺痿吐血腸風

瀉血赤白痢

甄權曰主蠱毒

李時珍曰反胃吐食

### 附方

小兒發黃土瓜根生搗汁三合與服不過三次

黃疸變黑醫所不能治用土瓜根汁平旦溫服一小

升午刻黃水當從小便出不出再服



小便如泄乃腎虛也王瓜散用王瓜根一兩白石脂二兩兔絲子酒浸二兩桂心一兩牡蠣粉一兩爲末每服二錢大麥粥飲下衛生寶鑑

小便不通土瓜根搗汁入少水解之筒吹入下部附方大便不通上方吹入肛門內二便不通前後吹之取通附方

乳汁不下土瓜根爲末酒服一錢一日二服楊氏產乳方經水不利帶下小腹滿或經一月再見者土瓜根散主之土瓜根芍藥桂枝廬蟲各三兩爲末酒服方寸匕日三服仲景金匱方

婦人陰癰方同上一切漏疾土瓜根搗傳之燥則易千金方中諸蠱毒土瓜根大如指長三寸切以酒半斤漬一宿服當吐下外要

面上疥瘡土瓜根搗末漿水和勻入夜別以漿水洗面塗藥且復洗之百日光彩射人夫妻不相識也會用有效附方

耳聾灸法濕土瓜根削半寸塞耳內以艾灸七壯每旬一灸愈乃止聖濟錄消渴飲水龜瓜去皮每食後嚼二三兩五七度瘥聖惠方

傳尸勞瘵赤電兒俗名王瓜焙爲末每酒服一錢十藥神方反胃吐食馬電兒燈上燒存性一錢入好棗肉平胃散二錢酒服食即可下即野甜瓜北方多有之丹溪要藥痰熱頭風懸枯樓一個赤電兒七個焙大力子即牛

麥子焙四兩爲末每食後茶或酒服三錢忌動風發熱之物

筋骨痛攣馬電兒子炒開口爲末酒服一錢日二服集簡方

赤目痛滴不可忍小圓瓜蘸離上大如彈丸紅色皮上有刺者九月十月採日乾槐花炒赤芍藥等分爲末每服二錢臨臥溫酒下衛生家方

瘰癧作痛赤電兒燒存性研末無灰酒空心服二錢集簡方大腸下血王瓜一兩燒存性地黃二兩黃連半兩爲末蜜丸梧子大米飲下三十九丸指南方

甜瓜釋名

香瓜 本草

甜瓜圖



郭橐駝種樹書

甜瓜

甜瓜生者以鰲魚骨插頂上則蒂落而易熟王世懋瓜蔬疏

甜瓜

甜瓜以香而小者爲第一作黃綠二色豈即邵平所種五色子母瓜耶今涼州塞外作乾條遺遠人味極甘當是此種若南瓜雖有奇狀殊色僅堪煮食酷無意味而更與羊食忌是可厭

本草綱目

李時珍曰瓜字篆文象瓜在鬚蔓間之形甜瓜之味甜於諸瓜故獨得甘甜之稱舊列菜部誤矣按王禎云瓜類不同其用有二供果者爲果瓜甜瓜西瓜是也供菜者爲菜瓜胡瓜越瓜是也在木曰果在地曰蔬大曰瓜小曰瓠其子曰瓠其肉曰瓠其附曰環謂脫花處也其蒂曰寔謂繫蔓處也禮記爲天子剖瓜及瓜祭皆指果瓜也本草瓜蒂亦此瓜之蒂也